

臨盆總論

臨盆十產論

臨盆各方

產後各方

赤白帶濁各方

血崩血厥各方

醫西
方
日
易
簡

婦陰各症方

婦人雜症方

乳癰各方

通乳各方

癥瘕辨論

格言一則

卷式

防各方



增訂醫方易簡卷二

臨盆總論

婦人生產乃造化自然之理俗所謂瓜熟蒂落原屬平常事毋庸驚疑然竟有難產者皆因妊娠之後不知培養之道犯禁忌於平時及至臨期但急催生而用力太早以致橫生逆生種種難產傷害母子或在頃刻或遲月日可不畏乎所以胎前保護不可不講而臨盆坐早養宜究心焉

六字真言

附或問七條

一字曰睡將產時須要調養心神愛惜氣力若能上床閉

口安睡片時最好若不能睡暫時起身或扶人緩行或倚桌站立痛苦稍緩又上床安睡總以睡爲第一妙法但宜仰睡使腹中寬舒小兒易於轉動且大人睡下小兒亦睡下轉身更不費力

二字曰忍痛若腹中痛且令扶行或痛或止尙痛得慢名曰弄胎非正產也凡腹痛腰不痛者未產腰痛腹不痛者未產不可使穩婆試手探亦不可屈腰眠臥直至腰腹齊痛甚緊一陣不住連痛三五七陣時時眼中如見火光此真欲產也自然易生若痛陣未急又須扶策徐行起若艱難卽憑物立切勿不耐腹痛坐草太早以致

難產 或問忍痛過久恐有不妙曰最妙從未有私胎
而難產者蓋私胎怕人知覺只得極力忍痛忍到沒奈
何時兒卽脫然而下此理甚明有何疑慮

三字曰慢臨盆將產時切不可輕易臨盆倘若聽信穩婆
說孩兒頭已在此以致用力太早誤盡大事此乃天地
自然之理若當其時小兒自會尋路鑽出何須著急從
來瓜熟蒂落水到渠成自然而然而不待勉強及至生下
卽產母亦不知其所以然也 或問大便亦須用力如
何生產亦不用力要知大便是呆物必須人力小兒自
會運動不但不必用力却又切忌用力蓋小兒在母腹



中要聽其慢慢轉身尋到產門頭向下脚向上倒懸而
出若小兒未會轉身用力一逼則脚先出轉身未定時
則用力一逼則橫卧腹中一手先出卽或轉身向不生
路未正用力畧早亦偏在一旁不得出種種弊病皆是
時候未到誤於用力之故卽如大便未到糞門統然用
力亦不能出而沉於生產乎

或問如何方是用力之時荅曰若小兒逼到產門則產母
交骨分開胸中陷下腰腹重墜異常大小便一齊俱急
目下金花亂閃真其時矣當於此時用力一迸小兒誕
生便稱恭喜矣

或問早一時斷不可動矣不知遲了一時可不妨否答曰不妨若果當其時必無不出之理卽或有不出者此是小兒力乏不能卽出但令產婦上床安睡使小兒在腹中亦得安睡歇力片刻自然生矣

或問臨期有經驗丸丹亦可用否曰不用大凡生產自有時候時至自生何須用藥未到時候切不可早用催藥強其速生使兒不能轉胞反致橫生倒生如欲用藥須待腰腹痛急胞水與血俱下真正是將產時候始可用藥順勢推之藥亦只須用加味芎歸湯佛手散蓋胎前要血足血一足如舟得水何患不行特恐產母血少又

或胞漿早破以致乾澁耳今二方俱大用芎歸使宿血
頓去新血驟生隨手見效且使產時快便則產後無病
其餘耗氣損血等藥雖極靈應總之有碍 昔陳氏妻
生產九日不下僅存一息叩醫求克腦兒問之曰頭逼
產門不得出醫令安卧即與加味芎歸湯明日日生下母
子兩全設與催藥反或有悞按此係產母用力太早逼
令橫在腹中豈有倒懸十日而尚得生者乎

或問穩婆究該用否曰既有此輩亦不可不用但要全憑
自家作主不可聽命於彼耳大抵此等人多愚蠢不明
道理一進門來不問遲早但令坐草用力必定該孩兒

南京

頭已在此或操腰擦肚或手入產門探摸多致損命更有狡惡之輩不肯安靜故作呀吶之聲以逞其能欲索重謝以致產母驚疑害尤不可言矣按吳越間謂之穩婆江淮間謂之收生徽寧間謂之接生婆因其年老慣熟使之接兒落地收生上床耳原非要他動手也每見富貴之家預將穩婆留住及到臨時稍不快便前門後戶引到無數紛紛攘攘鬧成一片所謂天下本無事庸人自擾之 昔張氏妻年輕體壯每孕必八個月而產每產必數日而下生女必週而歿醫曰日後臨產可相聞明年又八個月而產三日不下僅存殘喘忽憶醫言

飛輿迎視診之脈未離經穩婆在旁日兒頭已抵產門
不得出耳醫急令安臥且戒弗擾與安胎藥明晨主人
出謝醫曰夜來若何主人曰想是試胎今已安好後百
二十日計十二個月足生男且少病多壽始知從前皆
生採取出因產婦體壯年輕幸得保全性命
或問催藥不可亂投穩婆可不輕信已聞教矣若先時按
於用力以致橫生倒生奈何曰急令安睡用大劑加味
芎歸湯服之略用手法自然生矣手法見後十產論

十產論

凡生產先知此十證庶母子兩命皆得保全世之業收生

者宜知此庶不害人妊娠之家宜知此庶不自害

一曰橫生因兒身方轉產母用力太早逼令兒身不正先
露手臂但令產母安然仰臥穩婆以手徐推兒臂令上
復以中指探兒肩弗使臍帶絆繫待兒身轉正頭對產
門卽生

一曰倒生因兒未及轉身產母努力一迸故先露足亦令
產母安然仰臥穩婆以手徐推足入靜候片時俟兒身
轉正迎門卽生 但見兒手足略有出意卽令產母寬
心仰臥輕輕送入弗令多出蓋出少則易入未久則易
入如出多而久則手足青硬子必受傷難以扶入又切



不可聽兒惡穩婆用刀斷兒手足手足一斷則必亂擾

腹中兩命俱傷矣 昔一產婦用力太早兒手出不不得

入穩婆礪刃以須其翁商之於予聞之惻然遂急令安

臥與大劑芎歸湯以鹽半分塗小兒手心以香油抹兒

滿手輕輕推入明日生下母子皆安右臂紫黑數月始

消蓋鹽主收縮且螫人痛兒手得鹽則痛而縮進自然轉身生下足先出者亦如此法

或問橫生倒產此皆用力太早之故世間亦有未曾用力

而多難產者何也答曰或因母體本弱血氣虛損胎養

不足或因母病傷寒之後熱盛損胎亦或孕後不戒房

事以致慾火傷胎又或多食椒薑炒炙等物熱毒傷胎



以及跌撲損傷等症皆致產難藥用加味芎歸湯佛手散

三曰偏產因兒雖已轉身但生路未正被母用力逼兒頭偏一邊雖露頂非也乃額角耳令母仰臥穩婆輕手扶正頭頂卽生 又有兒頂後骨偏在穀道旁露其額者令穩婆以棉衣烘溫裹手於穀道外邊輕輕推兒頭令正卽生

四曰礙產因兒轉身時母用力太早致兒臍帶絆肩雖兒身已正門路已順兒頭已露猶不能生令產母仰臥穩婆輕輕推兒向上以中指按兒肩撥下臍帶候兒正順



卽生

五日坐產因兒將產其母疲倦久坐倚褥抵其生路須用
手巾一條拴繫高處令母以手攀之輕輕屈足作坐狀
產戶舒張兒卽生下

六日盤腸產因產母平日氣虛及臨產時用力努爭周身
氣血下注以致腸隨兒下一次如此下次路熟亦必如
此治法以潔淨不破損漆器盛之待兒胞衣俱下產母
仰臥自己吸氣上升穩婆以香油塗手徐徐送入 古
方用葶麻子四十九粒研爛塗產母頭頂腸收上急洗
去 一法以生半夏爲末搐鼻中其腸自收上 又法

以醋半盞水七分調和喫產母面每喫一宿三喫盡收

子意若用此法恐產母

受驚氣散反有不便 又法濃煎黃耆湯浸之

其腸

若乾以磨刀水少許溫潤之再用磁石煎湯服之即收

上磁石須覓陰陽

家用過有驗者

又方大紙撚麻油潤之點燈吹熄以

烟薰產婦鼻中腸即上

此方平善可用

七日凍產冬月嚴寒被衿單薄下部受凍以致血冷凝滯

骨節產戶堅收兒不能即生速以芎歸湯加炮薑或肉

桂與服衣服宜厚產室宜煖下體更宜溫厚但火氣不

可大熱恐致血暈 一法以葱白煎湯薰洗大抵嚴寒

時月產久傷冷氣血必凝用薰洗之法甚妙坐草太早



去被良久常有此患慎之慎之

八日熱產夏月酷暑產室人多熱氣逼蒸使產母熱傷氣分頭痛面赤昏昏如醉氣乏不能產下宜服六一散且置涼水室中若涼臺水閣以及狂風陰雨更當謹避總之產婦當溫涼得中爲妙

九日驚產或因少婦初次生產或因向來難產臨期恐懼以致氣結不行兒不卽下紫蘇飲最妙或用紫蘇一錢當歸三錢長流水煎服名舒鬱湯

十日傷產懷妊未足月有所傷動以致臍腹疼痛忽然欲產或妄服催藥逼兒速生如此生息未必無傷慎之

胞衣先破其故有二其一因母弱氣血虛胞衣薄兒身轉動隨觸而破一因兒身未轉坐草早用力狠以致胞破破久水血乾產路澁兒難下急用大劑加味芎歸湯加熟蜜一兩助氣而兼潤滑自當順下又法濃煎葱湯薰洗產戶卽下或以黃耆當歸劬許以大釜煎之使藥氣充滿一室產母鼻口俱受其氣亦良法也予意冬夏最宜春秋亦可若夏酷熱不宜又有胞衣先破被風所吹以致產戶腫張乾澁狹小者亦莫妙於濃煎葱湯薰洗再服加味芎歸湯又有狡滑穩婆意欲害人私以手指搯破胞衣者極要關防

臨盆各方

臨產宜忌 臨產時只宜老成二三人安靜伺候切不可
 多人一切親族婦女勿令入房若多一人即多一時遲
 延孝服穢濁人尤當避忌夏月更不宜多人熱氣擁盛
 能令產母煩燥發暈其害非小 穩婆只宜一人入房
 不可多喚反致混鬧有悞 凡用穩婆須擇老成忠厚
 者預先囑託及致臨盆務必從容寧靜千金日夜半覺
 痛日中則生可知時至自然分娩不得用法催逼 在
 房伺候者總宜安靜不可多言切忌在房中令產婦穩
 睡為妙第一要勸其安心忍痛歇息切忌在房中大驚

